


JEHOVAH NO MPANJAKA





"Jehovah no
Mpanjaka mitafy
voninahitra Izy;
Jehovah mitafy,
eny, misikina hery
Izy; ary izao
rehetra izao
nampitoerina ka
tsy hihetsika."

(Salamo 93:1)



Manambara ny maha-Mpanjakan'izao tontolo izao an'Andriamanitra ny Salamo. Izy no Mpanapaka ny fanjakana rehetra eto an-tany, sy ny olona rehetra eto an-tany.

Na dia maro aza ireo fanjakana tsy manaiky ny fiandrianan'Andriamanitra, na mikomy mivantana mihitsy Aminy, dia manana olona mahatoky manerana an'izao tontolo izao Andriamanitra, izay manaiky ny fanekena atolotry ny Mpamorona sy ny Mpanjaka ary ny Mpitsara antsika, sady mahatoky amin'ny Lalàny.




Ny Lalàna
(Salamo 25)

NY MPAMORONA

"Raha jereko ny lanitrao, izay asan'ny rantsan-tananao,
sy ny volana aman-kintana, izay noforoninao"
(Salamo 8:3)

Nahoana Andriamanitra no Tompon'ny Tany manontolo?

Efa nisy talohan'ny
nisian'ny Tany Izy:
"Hatrizay hatrizay Hianao"
(Sal. 93:2)



An'Andriamanitra
izao tontolo izao,
satria Izy no
namorona azy
(Sal. 89:11)

Manana fahefana
amin'ny zavaboary
Izy (Sal. 29:5-8)

Ny voary mihitsy no manambara ny
voninahitr'Andriamanitra
(Sal. 8:1; 19:1)

Mbola hisy foana
izy na ho levona
aza ity Tany ity
(Sal. 102:25-27)

Ambonin'ny
andriamaniry ny
firenena rehetra,
izay asan'ny
tanan'olona Izy
(Sal. 115:2-4)



Raha mijery ny manodidina antsika isika dia
afaka mihevitra fa lehibe ny olombelona,
nanao asa lehibe sy mahatalanjona. Nefa hoy
ny mpanao salamo: "Aoka ho fantatrareo fa
Jehovah no Andriamanitra; Izy no nanao
antsika, ary Azy isika" (Sal. 100:3).
Mpitantana izay noforonin'Andriamanitra
ihany isika (Sal. 8:5-9). Izy irery ihany no
mendrika ny fiankohofantsika ambony
indrindra sy ny fahatokiantsika.

"Jehovah no Mpanjaka, aoka ho faly ny tany; aoka ho ravoravo ny nosy maro" (Salomo 97:1)

NY MPANJAKA



Maneho an'Andriamanitra ho Mpanjaka mitafy voninahitra sy fiandrianana ary hery ny Salomo (Sal. 93:1), voarakotry ny mazava (Sal. 104:2). Araka ny Salomo, nahoana Andriamanitra no ambara ho Mpanjaka?

Satria Mpamorona Izy (Sal. 149:2)

Satria Mpamonjy Izy (Sal. 74:12)

Satria mampiorina izao tontolo izao Izy (Sal. 96:10)


Satria mpamindra fo Izy (Sal. 98:3)

Satria marina izany (Sal. 97:2)

Satria mampiray ny lanitra sy ny tany amin'ny fiderana izany
. (Sal. 148)

Na dia eo aza ny maha-Mpanjakan'ny tany manontolo Azy sy ny fitondrany amim-pahamarinana sy famindram-po, dia vitsy no manaiky ny fiandrianany.


Miravoravo anefa ny mpianany noho ny fitsarany araky ny fahamarinana (Sal. 97:8, 12). Amim-pinona no no ifalian'ny vahoakan'Andriamanitra amin'ny fiantombohan'ny Fanjakan'Andriamanitra tamin'ny alalan'ny asa fanavotana nataon'i Kristy ary iandrasan'izy ireo ny fahatanterahan'izany Fanjakana izany amin'ny fiavian'i Kristy fanindroany (Dan. 2:44).



NY MPITSARA

"Fa ho avy tokoa amin'ny fotoana Aho; eny, Izaho no hitsara marina" (Salamo 75:2)

Amin'ny maha-Mpanjaka Azy dia Mpanome lalàna koa Andriamanitra ary Mpitsara, (Sal. 99:7; 7:11). Ny Salamo faha-75 dia maneho mazava tsara ny asan'ny Mpitsara sy ny dingana ary ny fiafaran'ny fitsarany:



Efa nanendry fotoana hitsarany ny Mpitsara (Sal. 75:2)



Hotanterahina mialohan'ny handravan'ny olombelona ny tany ny fitsarana (Sal. 75:3)



Manome fampitandremana sy fotoana hibebahana ho an'ireo ratsy fanahy Andriamanitra mialohan'ny hitsarana ny tsirairay (Sal. 75:4-7)



Rehefa vita ny fitsarana, dia hanidina loza avy amin'ny kapoaky ny fahatezerana, feno divay mandroatra miharo haro zavatra, amin'ny ratsy fanahy Andriamanitra (Sal. 75:8)



Amin'izany fotoana izany dia hisy sisa mahatoky eto antany hidera an'Andriamanitra (Sal. 75:9)



Farany, ny mpanota tsy mibebaka rehetra dia haringana mandrakizay; ary ny marina ho velona mandrakizay (Sal. 75:10)



Nahoana, no misaotra an'Andriamanitra ny mpanao salamo mialohan'ny hiresahana momba ny fitsarana (Sal. 75:1)? Satria isika izay matoky ny fitiavan'Andriamanitra dia tsy hana-tahotra amin'ny fitsarana, fa efa voavela ny helotsika, ary matoky ny Mpisolovava izay maharesy mandrakariva isika (Jakoba 2:13; 1Jao. 2:1).

"Jehovah ô, mitsangàna amin'ny fahatezeranao; misandrata hisakana ny fisafoky ny mpampahory ahy; ary mifohaza hanampy ahy, fa didy marina no navoakanao!" (Salamo 7:6)

NY FANEKENA



Ny toky ananan'ny vahoakan'Andriamanitra amin'ny fahafahany amin'ny fitsarana dia mifototra amin'ny fanekena nataon'Andriamanitra taminy
(Sal. 105:7-8).

Nanao fanekena tamin'i Abrahama sy Isaka Izy (Sal. 105:9)

Nohamafisiny tamin'i Jakoba izany, dia ny Israely (Sal. 105:10-11)

Satria vitsy sy malemy izy ireo, dia niaro azy ireo Izy (Sal. 105:12-15)


Namonjy ny Israely tamin'ny alalan'i Josefa Izy (Sal. 105:16-24)

Rehefa nandevozina izy ireo, dia nohafahany (Sal. 105:25-38)

Niaro azy ireo tany an-tany efitra Izy (Sal. 105:39-43)

Napitoetra azy ireo tao Kanana, ilay Tany Nampanantenaina Izy (Sal. 105:44)

Ny anjarany ao amin'ny fanekena dia hitandrina ny Lalàna ny olona (Sal. 105:45)






Omen'Andriamanitra antsika ny fahamarinany sy ny fiarovany; manafaka antsika amin'ny ratsy sady mamonjy antsika Izy.
Ny anjarantsika dia ny manaiky ny fanekeny sy vonona hankatò ny lalàny.
Antsoina hitory ny fanekena amin'ny firenena rehetra isika, mba hideran'izy ireo an'Andriamanitra koa (Sal. 105:1-4).

NY LALANA

"Ny lalan'i Jehovah rehetra dia famindram-po sy fahamarinana amin'izay mitandrina ny fanekeny sy ny teni-vavolombelony" (Salamo 25:10)

Mifandray akaiky amin'ilay fanekena ny "teni-vavolombelona". Ny teni-vavolombelona dia ireo lalàna sy fitsipika izay nomen'Andriamanitra ny olony ho fototra iorenan'ny Fanjakany.

Avy amin'ny loharano iray ihany ny teni-vavolombelona rehetra: ny didy folo. Inona no lazain'ny Salamo amintsika momba ny Lalàna na ny teni-vavolombelona?

-  **Salamo 1:1-3. Manome fifaliana sy vokatra ho antsika**
-  **Salamo 25:10. Mitarika antsika amin'ny lalan'ny famindrampy sy fahamarinana**
-  **Salamo 93:5. Manome antoka ho antsika, satria marina indrindra**
-  **Salamo 112:1-2. Fitahiana ho an'ny ankohonantsika .**
-  **Salamo 119:165. Manome fiadanana ho antsika**
-  **Salamo 119:110. Miaro antsika tsy ho latsaka amin'ny fandriky ny fahavalox**

Mitalaho amin'Andriamanitra izay Mpamorona, Mpanjaka, Mpitsara, Mpanao Fanekena, ary Mpanome Lalàna ny mpanao salamo. Afaka ny ho voaro sy hilamina isika eto amin'izao tontolo izao, na dia eo anivon'ny fisavorovoroan'ny Fifanandrinana lehibe aza, satria Andriamanitra no manjaka sady mahatoky amin'izay rehetra ataony sy lazainy.

“Mitaky amin’ny fomba ara-drariny ny zo hanao izay tiany hatao amin’ny zavaboary nataon’ny tanany ny Mpamorona antsika. Manan-jo hitantana araka ny sitrapony Izy, fa tsy araka izay safidin’ny olona. Kanefa, tsy mpitsara henjana, masiaka ary mpitaky trosa Izy. Izy no tena loharanon’ny fitiavana, mpanome fitahiana tsy tambo isaina. [...] Tsy mendrika ny tombontsoa omeny rehetra isika; kanefa dia mbola mitohy ho antsika izany, na dia eo aza ny tsy fahamendrehantsika sy ny tsy fankasitrabantsika. Koa atsaharo ny fitarainana toy ireny andevozin’ny mpampiasa sarotra ireny ianao. Tsara Jesosy. Miderà Azy. Miderà an’Andriamanitra, Izay fanasitranana ny tavanao, sy Andriamanitao.”

EGW (Testimonies for the Church, volume 5, p 314.4)